

儒山誌

中編

徐氏宗譜

儒山誌編纂董事會 編

再版說明

民國十八年（1929年）本《徐氏宗譜》，溯是年以上之千年宗史者。蓋自廿五世祖分廣華、廣寬、廣榮、德壠四支派、爰依昭穆編成之。考自唐天寶八年（749年），務公由浙入閩，適興化崇仁里徐州村，越宋咸淳十年（1274年），十七世祖渾典公徙永春徐山墩，擇德化九峰山居焉，斯為吾儒山肇祖也。既而廿一世祖真孫、真觀、真蔭諸公立家廟之，皆備載焉。誠歷代徐氏宗譜之善本也。

《徐氏宗譜》計十又四卷，茲予再版，屬之《儒山志》世系卷，俾以存史，光祖德也。

儒山志編纂董事會

公歷一九九四年農曆甲戌年孟冬

目 錄

卷首

舊序	(2)
世系考 譜例 目次	(14)
傳記	(21)
人材	(36)
建置	(43)
勝景	(45)
藝文 引讚	(47)

卷一

一世—廿世	(55)
廿一世—廿五世	(58)
廿六世—卅世	(60)

卷二 卅一世—卅五世

廣華 (路兜 柿墘)	(74)
廣寬 (長春 珍卿 洋頭)	(84)
廣榮 (桂林)	(101)

卷三 卅一世—卅五世

廣榮 (連六)	(117)
廣榮 (苑上)	(121)
廣榮 (甲侯長)	(126)
廣榮 (甲侯二)	(146)

卷四 卅一世—卅五世

甲侯 (壺邱)	(154)
甲侯 (昇平)	(171)
甲侯 (旺相)	(178)

卷五 卅一世—卅五世

甲侯 (寶里)	(192)
廣侯 (壺山)	(199)

卷六 卅一世—卅五世

廣侯 (鵬翮)	(226)
聯三	(235)
德壩常山	(240)
德壩常吳	(242)

卷七 卅六世—四十世

路兜	(244)
柿壩	(249)
長春	(250)
珍卿	(252)
洋頭	(310)

卷八 三六世—四十世

桂林	(311)
連六	(333)
苑上	(334)
甲侯 (岐山上平)	(339)

卷九 卅六世—四十世

甲侯 (槐苑)	(356)
甲侯 (三安)	(370)
甲侯 (三梧)	(395)

卷十 卅六世—四十世

甲侯 (壺邱一)	(403)
甲侯 (壺邱二)	(411)
甲侯 (壺邱三)	(431)
甲侯 (壺邱四)	(445)

卷十一 卅六世—四十世

甲侯 (昇平)	(458)
---------------	-------

11A K76/05

甲侯（旺相）	(475)
--------------	-------

卷十二 卅六世—四十世

甲侯（寶里）	(511)
廣侯（新庵東安）	(523)
廣侯（壺山）	(535)
廣侯（鵬翻）	(563)

卷十三

聯三 卅六世—四十世	(579)
常長 卅六世—四十世	(580)
常吳 卅六世—四十世	(591)
珍卿 四十一世—四十五世	(594)
洋頭 四十一世—四十五世	(607)
桂林 四十一世—四十五世	(608)
甲侯 四十一世—四十五世	(609)
廣侯 四十一世—四十五世	(611)

卷十四

常長 四十一世—四十五世	(612)
--------------------	-------

後跋

捐款開列

懷淑公捐大洋壹百圓
振樓公捐大洋伍拾圓
潘義公捐大洋叁拾圓
福田公捐大洋肆拾圓
振宇公捐大洋貳拾圓
寧義公捐大洋拾伍圓
寶華公捐大洋拾伍圓
鍾舉公捐大洋貳拾圓

儒山徐氏宗譜

四九

思淑公捐大洋貳拾圓
陸卿公捐大洋拾伍圓
雲岩公捐大洋拾伍圓
桂林公捐大洋拾伍圓
苑上派捐大洋壹拾圓
液井公捐大洋伍拾圓

讀重修儒山宗譜記

歲己巳夏四日余以福建永勦匪指揮兼攝德篆下車之始即承儒山宗人以續修宗譜囑余為序余不文濫竽之誚本慚不敢然却為不恭且違盛意惟觀諸前輩序已多記亦詳似無須多余之一贊但考其前後所載千百年中生殖之蕃衍人材之輩起與夫天然山水之勝人工建築之妙誠不愧古人所謂地靈人傑者從此譜系重新蟬聯鵲起善繼善述克箕克裘預卜千百年後必更可觀余亦何憚乎故繫東施而不留鴻雪姻緣也哉是為記 并為詞以贈之

儒山徐氏宗譜

卷首

新序

首頁

詞曰

儒山蒼蒼 壽水泱泱
儒山之譜 山高水長

詩云

儒山之祖出延壽 儒山之譜亦延年

儒山有譜重修日 譜與儒山壽萬千

中華民國十八年荔夏 日

福建永勦匪指揮處主任兼理德化縣知事宗姪孫 鵬

撰

憶祖五歲入塾親承庭訓適吾祖修竣我姓宗譜課餘時常聆吾祖談及宗譜之關係爾時祖年雖耄腦根極為簡單有所印象永不磨滅祖自是深知宗譜之修大有關係之遺意存焉不圖無祿吾祖即世猶幸吾父教澤與日俱長延至清光緒癸卯科祖年登二十有三吾父以為較之吾祖入泮時歲數相同遭遇適合故以紹祖命名祖果於是歲補弟子員幸不辱吾父之命祖於斯時方冀竭我萬鈞奮志鵬程不意利那間滿清鼎革矣民國成立矣學界潮流日新月異加之國步多艱匪氛四起弱肉強食視為故常祖緣環境壓迫家居不寧遂出而從事社會學醉心

儒山徐氏宗譜

卷首

序

紀律化對於昔者所學未免筆墨無緣文字久疎矣然而啖菜拜樹飲水溯源尊祖敬宗之思未有艾也民國丁巳永春玉塘孫氏開設譜局聘祖主持筆政一載告竣戊午己未復代龍閣陳氏埔頭林氏兩修宗譜均已付梓成帙他若錦湖林氏新嶺阮氏兩族譜均祖手訂而續修之期間譜例宗歐宗蘇雖略有不同而於正名定分諸大端實無一不根據我祖之遺意而刪定之也本歲我族父老食議我儒山宗譜由我祖重纂而後已歷四十有六載矣各房子孫盛衰不一不來此時而續修之則宗譜之間竊恐如蘇子所云相視如途人者也議決後囑祖負責總校祖

自念學淺望輕一旦有此重任難免貽笑方家未敢遽諾乃請命於吾父吾父曰前修宗譜係乃祖手澤義不容辭吾兒勉之可也於是謹奉親命諏吉開局於舊書後樓仿遵舊例逐房纂修有所損益先行稟明吾父證以吾祖前修宗旨然後公諸族眾以眾意為同為歸宿祖不敢寓然毫私意於其間也譜局成立後復得吾弟紹宗共同校清草案吾兒其德代勞謄寫成篇積極進行閱一年有半遂成是譜付刷分傳以便世守至於我姓所由來譜中之關係前修舊序以詳載無遺故不復贅云是為序

儒山徐氏宗譜

卷首

序

二

續修儒山徐氏宗譜序

琴之有譜譜其清濁花之有譜譜其品格人為萬物之靈可無譜乎然人重有譜非僅記房派載墳塋已也有修飭裁正之義焉世次相承不容或混功業可表在所必登吾徐宗譜自前明以來代有修輯而最燦然大備者莫如清乾隆壬午年仙溪房族祖潞安府知府臨公增修之刻譜至光緒壬午春族中諸父老咸謂乾隆壬午至今又百有二十年之久譜不再修恐生齒日繁不免有散失之患因會議公舉吾父出為總校吾父切於敦本篤親不敢以久病初愈辭爰承族延而肩重任余與吾弟士超隨侍參酌

儒山徐氏宗譜

卷首

新序

三

見吾父細心稽核藏者釐否者剔正名定分無敢徇情亦無矯情閱兩年餘而譜牒告竣誠吾族之大幸也晚近十餘年來滄桑告變余避居南邑任思齊女校教員歷三寒暑旋梓復任桂洋培秀女校校長暇時披閱宗譜見吾父引程子所云宗譜廢則人不知來歷百年後骨肉無統雖至親亦薄未嘗不嘆吾父續修後計有四十七載譜宜再修又不容緩也次兒四兒聞余言常與族中諸父老論及迨民國丁卯冬族中諸父老倡議重修宗譜余以年踰耄耋不能耐勞未敢從事特命次兒紹祖出承族聘錄其已譜而續其未譜凡譜例譜法囑其悉遵祖訓次兒唯唯听命

余又思宗譜之修非根據家譜莫得查詳更命四兒紹宗贊輯家譜譜稿以裏厥事噫斯譜也吾父續修於前吾兄繼修於後自非祖宗有靈暗中照牖何能祖孫起而相繼哉余略陳數語非敢謂斯譜前後輝煌由吾父能作吾子能述欲以誇示於人也實念吾父當年總校斯譜補闕刪繁準情酌理大費苦心望吾兒今日善繼祖父之志俾斯譜垂諸久遠世世子孫不忘孝思為幸耳

日卅玖世孫士駿謹敘

民國十八年歲次己巳夏

儒山徐氏宗譜

卷首

新序

四

儒山徐氏續修宗譜序

先哲有言家乘與國史並垂寶冊誠以國史彰善癉惡一本乎是非之公家乘猶國史也揚祖德表宗功世系昭穆不失其序亦足以聯一體而生愛敬之心是故有其作之必有其述之庶後之窮源竟委者展冊瞭然然作之也難而述之者亦正不易以余所知吾德諸巨族不乏經濟人才宜可歷世增修俾免缺漏顧何以遲之八九十年或遲之百數十年甚有遲至二百年者此無他議多而難定也儒山徐氏自渾典公入德居九峯之麓數傳而後孫枝蕃衍於兩邑人物鼎盛乎累朝定為

新序

卷首

五

吾邑望族而譜之修則自明萬曆間至有清光緒癸未凡三次蓋代有聞人故極盛而能繼若此今距光緒癸未四十六年矣生齒日繁人文踵起鼎革後雖值連年兵火宗譜猶幸保存姻戚學朱步雲鳴清諸君恐其久而就湮也倡議重修莫垂永久爰舉族紳紹祖君東筆編纂紹祖者前修宗譜韶庭先生之令孫今梓園先生之肖子也承家學之淵源作永庠之翹楚生平纂修他姓族譜者六均以完善見稱今主家族筆政尤本其尊祖敬宗之思冀償其繼志述事之願余讀其自序所云正名定分諸大端無一不根據我祖之遺意竊歎挈領

提綱誠有合乎孔聖正名之旨固知言順事成禮樂可

興者在是矣及披閱全譜見其義例謹嚴昭穆不紊而於生卒年月日時葬地一切倣歐陽公系圖蘇老泉紀實尤為斟酌盡善後有繼者十世一詳更數十世而愈詳益歎斯譜之足以信今傳後非僅率乃祖攸行已也然余更有進者蘇老泉作族譜記云凡在此者死必赴冠取妻必告少而孤則老者共字之貧而無歸則富者共恤之母使骨肉之恩薄毋使孝弟之行缺毋使閨門之政亂而嫡庶之別混竊望學朱諸君與諸族人共本斯旨世世遵行則是譜之成足備他日輔軒之朱永增史冊

儒山徐氏宗譜

卷首

新序

六

之光所謂家乘與國史並垂寶冊其在斯乎是為序
清光緒癸卯 恩科舉人考選江西布庫大使署理德化縣知事通家姻愚弟詒白後人石峰王光張鞠躬謹序

重修徐氏世系

卷中

前延壽徐氏文獻家也。紀世史者，雖吳晉泉郡之末，
稱云後城。徐出於此也。改徐之初，工舍公務自唐大
寶間，由浙之衢入閩之莆，傳二十世。從學士公福祖勝
國末，由莆務前入于泉，子姓蕃衍，名士彰彰，先成化間
前纂譜崇義通軒公玩借姓司馬壽溪公，元稔當參數
于泉矣。迄今百有餘祀，是夏仲興諸生行等會諸生
以和等重修世系，並閱粵江潮聯而一焉。詮次成就，緒
矣。將壽之梓以和生達，庠弟以任，置成秩，抵余雷陽署
謁曰：紀世德尊也。萃族為親親也。吾徐從閩諸派全

儒山徐氏宗譜 卷首

目錄

一

譜綴之若聚一堂，傳世數十披譜閱之。若初一脉美哉
斯舉也。可無叙厥首以為譜重公尊與生昆季游檢吾
家性蹟者，敢新一言以垂不朽。余雅慕徐宗，且知誼也
迥唯之竊，惟亮之璧，不假玉人而珍。豫之亦不借工師
而材人能重譜而譜，不能以重人。吾家之人能為譜重
而他人之言不能為吾家之譜重。故廬陵之譜重以六一
眉山之譜重以老泉，世經人緯至今，其語猶也者有以
也不爾。海宇之廣，是不一姓世疎之修，是不一家何厓
厓歐蘇修哉。蓋譜者家之迹，所由微而非家之道，所由
立也。古之立家者，必有德行文藝以植之，忠孝即義以

國之然後可以遷播維持於久遠。周官有言：宗以族得

民，儒以道得民。夫大宗石族支聯一本，則有以繫屬天
下之人心而於國也。有補業儒明道美濟一門，則有以
感化天下之風俗而於國也。有賴茲觀延壽之譜，自莆
上若周之番侯漢之孺子，唐之司法殿丞盛而傳者，毋
論已。前宋唐宗下德行文藝代出於時，忠孝節義盡見
于世傳誌中。若文潞公朱晦翁范文正公諸賢所稱贊
而品題者，登之譜，爛然在目。即歐蘇弗讓也。人其不為
譜重乎？以族以道合而得民，譜以明宗宗而且儒于
朝廷，大有裨矣。子子孫孫引而勿替，抑天下之人心

儒山徐氏宗譜 卷首

目錄

二

風俗終攸繫焉。獨以元徐宗耶？是叙之以品徐之後人
俾自茲以往，如范朱名世之賢，多誤述于徐譜諸史，列
傳之修，恒蒐採于徐家，則宛然前牒可瞻之人。徐氏
之譜重矣哉，重矣哉。

賜進士第中憲大夫廣東雷州府知府前四川按察司副使
後學通家晉江周良賓頓首拜撰于雷陽公署寄之昔
萬曆丁亥仲秋上日也

重修延壽徐氏族譜序

薛序

竊聞木生天地間則有根水生天地間則有源根深則木自滋而無根之本非其本也源長則水自流而無源之水不為水也水木根源固有如是而人生天地間寧獨無所本乎本者何也吾身之本在父祖父祖之本在高曾父祖高曾之本生生世世如斯而已自父祖高曾合嫡派之子孫承之則曰宗而父祖高曾由兄弟之子孫推之則曰族宗族未分之始其本則肇自一人耳以一人而視宗族夫豈不親且愛乎哉迨世異而風不古代遠而心益離或兄弟不睦或伯叔違和雖同姓而寔異

儒山徐氏宗譜

卷首

四年

三

路於是視之如參商侍之如秦越比比而是故古昔聖賢知天下後世之有宗族者多而能和氣者少於是制為燕會之禮祭享之文周恤賀吊之情凡欲其骨肉相親休戚相同毋庸以睽隔為也後人不察閭牆榛艾紛爭攻訐何所不至此固慈孝者之所不忍言也甚矣宗族之中何可以無譜哉族譜之修何可以少緩哉予譜始於上舍 務公為八甫之初祖自秘書 寅公以來奕葉盤根代有聞人家風自此始也繼而 鐸公禪志又居五百之先世稱龍虎榜頭孫嗣祖鳳凰池上弟聯兄簪纓自此不絕矣世代云遙載籍可稽嘗考 鐸公

勝迹如碧桃獻寶如政靈水朝天信識狀元之祥

則固已發兆之矣他日紫陽朱夫子赴同安簿過莆間

地識云查公山下千鐘東延壽橋頭萬卷書歷代相傳

世守勿替不韋滄桑多故譜牒遺忘天涯骨肉四海兄

弟使後死者不得與於親親之籍致名字無傳行次失

序良可嘆也片生有血氣俯仰宗枋痛先代之無稽念

子姓之多遺東南散處覲而達人心竊俱焉此所以溯

本窮源之思未嘗一日去諸懷也今特慨前之失次爰

紀其所可知闕其所不可知蓋欲我後之人觸目殘編

式之踵之可以無忘所本矣縱源流遠達枝葉繁多雖

儒山徐氏宗譜

卷首

四年

四

有泰商秦越之隔一披覽間奕代昭穆井井具在庶幾範圍於禮義愛敬之中此則片之所厚期也若夫元宗振世則在吾家子姪上而祿位光顯高門閭次而讀書懷君子之德立行謹先儒之風即或布衣隨分守己經營毋違法度毋背綱常此立身持己之正道即莫非尊祖敬宗之初心矣族譜之修詎有他意哉所愧才疎識淺言不足重輕爾子姪輩尚其体予意鄭重珍藏俾不至散佚無考以俟後之賢者或知我乎或罪我乎并借書以為引

萬曆丁亥季秋朔旦二十七日孫行百拜謹序

儒山徐氏宗譜舊序

邑之西有山曰九峰岡巒聳峙林壑幽美其清淑之氣扶輿磅礴蜿蜒勢積峰之麓儒山徐姓居焉宗支蕃衍分處州邑二界無慮數千家人文踵起升於朝光於邑者代有其人誠所謂地靈人傑者也近歲老友徐君早瓊達其子受業於予通儒山族衆會舉韶庭先生修其宗譜譜成鄉之父老以予有通家誼屬序於予謹按舊譜唐天寶八年務公自衢入閩居蕭陽十三世梓公分支拓業十七世澤興公為始其後繼繼繩繩為吾邑望族衣冠人物與他郡之徐埒可謂盛矣乾隆間譜修於仙溪徐旭齋先生上自

儒山徐氏宗譜

卷首

舊序

延津以抵江浙下自泉漳以至東粵兼總而條貫之千川萬派滙為一區今儒山之譜諸儒山者也雖特一支而聚族數千家閱時二週甲其中生齒之蕃滋人事之得失修之豈易為力韶庭與鄉之父老不憚劬朝夕諮訪窮源竟委脉絡分明甫期年而歲事厥功懋矣後有旭齋其人者欲更聯絡支派追溯本源持此以往可也抑予又有思焉譜之修不惟載姓氏之源流昭穆之次序與夫氣運之盛衰而已蓋將以建後也古譜之傳者推廬陵歐陽氏眉山蘇氏而歐譜有云以忠事君以孝事親以廉為吏以學立身行於其躬教於子弟蘇譜亦云吾所與相視如途人者

其初兄弟也兄弟其初一人之身也又曰分至於途人者勢也勢吾無如之何也幸其未至於途人使其無至於忽忘焉可也其意蓋欲使後人恪循祖訓守而勿失所以至今論譜者不曰歐則曰蘇今是譜之修義例謹嚴俾人人各知尊祖敬宗敦本善俗上以發先人之德下以為家法之傳蓋猶歐蘇二公之用心也行見儒山之衆爭自濯磨居於鄉者鄰里無間仕於朝者史冊流徽人傑而地愈靈宜徒為吾邑之望族哉是為序

清初授修職郎前任海澄縣儒學教諭羅美鄭 祥頓首拜撰

儒山徐氏宗譜

卷首

舊序

儒山徐氏宗譜舊序

人之所以貴於萬類者知本也本立則道生本端則末治此千古不易之常理也而仁人孝子每於是而兢兢焉吾師韶庭徐夫子設帳余家者三十餘年凡修已誨人無非以敦本為要故一時端人正士莫不樂親炙而咸切儀型焉己卯春夫子因病退養家居越年病愈適其族諸長老議修宗譜僉舉夫子出為總校蓋預知夫子重本篤親而早有志於是也徐氏之先由衡入莆十七世 潭典公乃由莆入永入德世居儒山三鰲五柱彪炳于前鳴鹿步階輝煌于後支蕃兩邑名顯

儒山徐氏宗譜

卷首

舊序

國朝洵可稱望族軒冕矣然世代昌則宗支益盛宗支盛則族類愈紛況人道幾希存者有幾其中忌諱非止一端修輯之難不倍於前此多多哉幸吾夫子承族延而肩重任歷紀世德尊尊也洽萃族屬親親也而且補厥刪繁條分縷析準情酌理否剔臧釐觀斯譜也昭穆序名分嚴徐氏之後不可知其必大乎且吾夫子務本之學不於是而並可徵乎齡不才素承 夫子教竊聞古之立家者必植其本而後可以亢宗可以華國可以垂諸久遠而無窮今觀徐氏之譜其庶幾乎從此而徐之子孫守溯本尋源之志以恢祖德以紹家聲行將由體達用人文踵起旌於

朝而祀於鄉則徐之為大宗右族不且歷久弗替而永世其昌也哉爰不揣荒蕪蕪蕪斯盛舉而樂為之序

清光緒九年癸未孟夏望日

例授文林郎揀選縣知縣正堂己丑補行甲子科舉人世再姪林祖齡頓首拜序

儒山徐氏宗譜

卷首

舊序

儒山徐氏宗譜舊序

人有一姓必有一譜譜也者所以嚴氏族而正名分也
程子曰宗譜廢則人不知來歷百世後骨肉無統雖至
親亦薄從可知譜以載姓不容偶闕而致混焉然不譜
則姓混咎在不譜譜矣而姓仍混咎在譜此修之之責
所以不可輕受也夫修者有載正之義焉當諱者諱之
不當諱者則載而書之庶足以令人知所警戒矣竊嘆
世之修譜者因其草稿依樣謄抄而於世次中有或紊
婚配中有弗明者悉置之不論如此舛錯僅可謂之錄
譜而不得謂修譜也吾祖渾興公由莆而永而德三徙

儒山徐氏宗譜 舊序

居乃克有定其譜自前明以來代有修輯第各自抄存
未公於族迨乾隆壬午年仙溪房族祖知潞安府臨公
增修刻譜而後燦然大備舉凡分支別派以及族中承
繼世次有不符者無不一一載正雖不分生養亦無可
疑蓋吾族素推禮義家當日尚少其弊矣今距臨公又
六世他派他房未暇論及即如我儒山蔚人文增戶口
較勝於前惟支派有盛衰習尚有美惡其中忌諱不僅
沾沾於同異姓之繼承已也倘不嚴剔其弊未免令後
人反因譜而藉口此族祖行公主修于明萬曆時所由
有知我罪我之言而不能無懷念也修之之責豈易受

哉余自光緒戊寅冬考充歲貢後因病退養適族中議

修宗譜各房登稿陸續完備辛巳冬族中諸長老委余
總校余以久病初愈惴惴焉懼不勝任既而轉思自弱
冠來忙設館役科場繼而生徒日衆即欲為此而不得
為今也因衰病而退講席且淡功名則繼述之事何得
竟諉以事族望爰擇壬午春初開局于舊書樓因各房
諸稿逐日查閱錄其已譜而續其未譜共成十四卷間
有破法亂規者起旁議而據實告余余細心稽核僭為
釐剔復與一二生徒及兩兒泰酌校對無敢矯情亦無
敢徇情也噫向非吾祖有靈暗中默牖安能使人人咸

儒山徐氏宗譜 舊序

知大義而得修此百二十年未修之譜哉獨愧余學識
疏淺諸例毫無講明深愧無以達紹前代取信後人幸
臨公刻譜可據仿仍舊章凡有裨於尊祖敬宗足為後
人取法者悉登卷首非敢徒侈外觀惟冀得免混雜之
咎耳異日者倘能統六派而闡修之則我儒山房亦不
患無可取證焉書成付梓分致各房世守竊願後之人
重本篤親毋忘所自而又世世修明補余之所未及則
於斯譜有光矣豈獨昭穆族姓之不混已哉
清光緒九年癸未仲夏朔旦裔孫鳴球謹敘

徐氏唐入譜序

吾徐先姓嬴伯益裔也自偃王封徐子孫以國為氏別族姓秦嬴徐趙江黃司馬以上七姓同出伯益並不傳通姻世居豫章至漢靈帝中平二年渡江止于衡州厥後太尉洎公五子皆仕因官留任析為五房一會稽房永公南郡太守二江西房威公洪州刺史三丹陽房奇公大中大夫四信安房洪公衡州刺史五吳郡房攀公蘇州刺史徐氏爰著姓聞三郡馬望澤州高平郡望海州東海郡望徐州彭城郡自是分支流布天下或隨任過江一祖置立桑梓或在江西江東或在河南河北或

儒山徐氏宗譜

卷首

舊序

處淮陽或居嶺外或寄僧門道教或即樂遊雲水或在村野營壘或從征四寨分為文武兩途吾遠祖墓在衡州龍游縣西二十里有華表石人二石馬二石狗二石羊二石獅二石柱二祠堂一所祖詩云初祖原來本一枝宗門能有幾人知雖然葉是他州葉樹大花移根不移遠祖洪公生務公唐天寶八年入閩至泉州莆田縣北居崇仁里徐州村焉明初改遷至莆田縣北居崇仁里徐州村焉務公生子三長琛公寅大父次玖公三琥公徙建安與松敏大父居巖麓溪南是也後名以奇遷南村子孫相承慮其年代綿遠分派乖錯茲特謹按譜原傳于後裔

唐光化二年歲在己未仲夏望日

詔賜進士及第秘書省正字入南四世孫寅拜稽謹敘于巖麓萬泰樓

儒山徐氏宗譜

卷首

舊序

延壽徐氏族譜舊序

古今物盛者難為繼夫分者難復合或有能繼之合之者乃其祖澤之厚子孫之賢非可尋常一機論也吾閩延壽徐氏家世自唐抵今千有餘載始於天寶八年自浙衢徙居興之甯陽不數傳而支分於他省別郡間生聚教誨又各為世族開基祖諱務四傳之孫諱寅唐乾寧間成進士以詞賦聞名詔賜狀元八世諱與宗祥符五年狀元及第十一世諱鐸宋熙寧九年登狀元官尚書賜食邑前後列班聯官卿憲者筆不勝書且一家絃誦風盛繁茂聲聞以故衣冠見羨於名相書香見取於

儒山徐氏宗譜

卷首

大賢厥後仕宦甲科蟬聯不絕以一姓而支蕃數郡名顯累朝可稱望族軒冕矣然姓氏彌昌宗支益盛苟無譜牒以紀之則昭穆失序支派不明祖宗之德業亦隨而泯沒延壽代有聞人恐有紀載至明萬曆間有廿七世孫名行以書生而有一本之思纂輯諸系請於吾家前輩周諱良賓弁序篇端流傳于今又百八十餘年代愈遠而丁益繁人既眾而心日離由興而上自延建以抵江洲由興而下自泉漳而生東寧事勢之難倍於前此多矣而徐之祖先若有點相者徐之子孫又有承先啟後之偉人屬唐狀元之裔聞文於僊漢徐恭官山

在司馬諱臨者乞歸終養於家心篤敦睦之誼欲續譜牒之闕至誠所感族子親支詢謀僉同于是宣誠佈告于四方設局修纂於家廟期年之內千年之同氣以聚累世之昭穆悉彰紀藝文古蹟以尊祖也載列傳建置以錄賢也登之梨棗頌之子姓披圖而考觸目警心迄邇開基以至今日亦由千溪百澗同出一源雖服窮親盡猶一世也支疏派遠猶一人也嗚呼徐氏於唐宋間元蒙文章可稱極盛然自前明以至

國朝科甲繼起出仕中外者後先接踵賢而往於朝祀於鄉者指不勝屈不可謂能繼之耶合上下千里之數

儒山徐氏宗譜

卷首

處今而聯絡支流為一氣不可謂能合之耶此所謂祖澤之厚子孫之賢非可尋常論者不其然乎余自弱冠踰僊霞歷蘇臺抵

神京五十年中西至鴈門塞外南越洞庭湘江每美到處

山川人物遠勝吾鄉然思吾閩程子有吾道南矣之語徵國文公有海濱鄒魯之稱自宋迄今理學相傳則吾鄉山水人文天下人亦必有節取而品題之者今觀徐氏一宗不可謂閩中之表表耶余以解組餘閑今歲適有山水之興偶經仙館館於良友司馬家見其宗譜正在告成美其家善繼善合因備述其顛末而為之序

清乾隆二十六年辛巳秋八月既望
誥授朝議大夫鄉進士原任刑部陝西清吏司郎中加一級
紀錄三十二次安溪李鍾份頓首拜序

延壽徐氏重修族譜序

從來德之大者澤必廣仁之厚者裔必昌亦猶樹之高者根必固水之深者源必長人物之理一也我祖諱務公唐天寶八年自浙衢入閩卜居於興化莆田崇仁里即開基始祖也始祖為衢州刺史諱洪公之子子占譜載偃王封徐子孫以國姓漢末渡江止于衢州因官留任衢有遠祖墳墓在焉然代遠牒湮莫可究考茲第以開基為始祖如狄武襄不敢自附梁公為恥古人之意也始祖曾孫諱寅號釣磯唐昭宗時詔賜狀元官秘書正字延壽徐氏從此著名再傳屢世仕宦十一世諱

鐸宗神宗朝登狀元官尚書封少師食邑烏程縣一時同胞同舉進士或官司冠或官少府文潞公贈句云龍虎榜頭孫嗣祖鳳凰池上弟聯兄書香世傳儒林輩出紫陽朱子應首採風題吾宗詩有壺公山下千鍾粟延壽橋頭萬卷書之句衣冠人文之盛贊美於大賢如是粵世代遷移支分派別散處於延建福泉漳廣之間生聚族居一散而不可復合矣臨之派則出釣磯公以其孫義叟繼從子衍公為嗣傳至十六世子華公始居仙遊金沙後分三支臨為金沙徙居徐巷裔也溯源始祖千載有奇追考譜書年幾二百族祖行公於前明萬曆